



Terenga 6: Hōtaka 27 - He kīwaha

He Mihi

Tēnā rā koutou kei te apataki o te reo Māori, e ū tonu nei ki tēnei kaupapa whakapakari i ngā pūkenga reo o te hunga e tōmina ana ki te ako

Hei Mahi Whakarongo

Kua tīpakohia tētehi wāhanga o te kōrero a tētehi taiohi i tū ki Ngā Manu Kōrero i te tau 2010, hei mahi whakarongo mā koutou i te rangi nei. Anei ngā pātai hei whakautu mā koutou:

- 1) He aha te kaupapa o tana kōrero?
- 2) He aha te kīwaha whakamihi a te Taitokerau?
- 3) He aha te whakataukī i tīkina ai e ia hei whakarākei i tana kōrero?

Kia whakarongo ake tātou ki te reo o Kaharau Keogh, tētehi o ngā taura kua puta i Ngā Taiātea Wharekura

He Whakamārama


Anei ētehi kīwaha hei whakamihi i te tangata, i te āhua pai rānei o tētehi mea.

1. Haramai tētahi āhua (Taitokerau)
2. Kia pai mai hoki! (Tainui)
3. Kei tawhiti! (Te Arawa)
4. Ka mau te wehi! (Tairāwhiti)
5. Wehi nā! (Whanganui)
6. Wananei! (Te Waipounamu)
7. Ka mutu pea! (Kahungunu)
8. Kino kē koe! (Tūhoe)

Anei anō ētehi me ētehi whakapākehātanga.

1. Ko koe tonu a runga! *You're tops! You're the bomb! You're the best!*
2. Mō te waiata, kore he painga i a koe! *You're the best at singing! When it comes to singing, you take the cake!*
3. Kāti tonu koe! *You're neat alright!*
4. Mei kore ake koe... *Lucky you were here...*
5. Pai mutunga! *Couldn't be better!*
6. Ka wani kē! *Good stuff!*

He Mahi Ī-papa



Tuhia he kōrerorero whai kīwaha i waenga i tētehi tokorua.

Hei Mahi

Rangahaua ētehi kīwaha anō hei whakamihi i te mahi a te tangata, i te āhua pai rānei o te tangata.

- 1.
- 2.
- 3.

Whakautu:

Mahi Ī-papa: Mō te whana pōro, e hoa, ko koe tonu a runga!

Hei Mahi:

1. Me he manu tioriori! *You're a song bird!*
2. Te mutunga mai o te pai! *Couldn't get any better!*
3. Kei runga noa atu koe! *Good on you!*